

ԱՐՉԱՆԱԳՐՈՒԹՅՈՒՆ

«Ստեփանոս-1» ՍՊԸ-ի կողմից Լոռու մարզի Ստեփանավան քաղաքի վարչական տարածքում «Չքնաղ-1» ՓՇԷԿ-ի կառուցման հանրային քննարկումների

05.11.2024թ.

քՍՍտեփանավան

2024թ. նոյեմբերի 05-ին ժամը 12.00-ին «Շրջակա միջավայրի վրա ազդեցության գնահատման և փորձաքննության մասին» ՀՀ օրենք (2014) հունիսի 21-ի ՀՕ-110-Ն Հայաստանի Հանրապետության օրենքում փոփոխություններ կատարելու մասին (Փոփոխությունները 2023 թվականի մայիսի 3) Օրենքի, ինչպես նաև ՀՀ կառավարության 19.11.2014թ. N 1325-Ն որոշմամբ սահմանված կարգով իրականացված՝ «Ստեփանոս-1» ՍՊԸ-ի կողմից ՀՀ Լոռու մարզի Ստեփանավան համայնքի Ստեփանավան քաղաքի և Ուրասար բնակավայրի վարչական տարածքում «Չքնաղ-1» ՓՇԷԿ-ի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային քննարկումների/առաջին հանրային քննարկում/վերաբերյալ:

Հանրային քննարկմանը ներկա էին Սփեփանավան համայնքի ներկայացուցիչները, Ուրասար բնակավայրի վարչական ղեկավարը, Ձեռնարկողը, վերջինիս ներկայացուցիչներ, ազդակիր բնակավայրի բնակիչները:

Հանրային քննարկումը բացեց Լոռու մարզի Ստեփանավան համայնքի ներկայացուցիչ՝ Արսեն Ավագյանը, նշելով հանրային քննարկման նպատակը:

Նախատեսվող գործունեության իրականացման նախագիծը ներկայացրեց «Չքնաղ-1» ՓՇԷԿ-ի կառուցման նախագծող՝ Դավիթ Պապիկյանը: Մանրամասն ներկայացրեց նախատեսվող ՓՇԷԿ-ի տեխնիկա-տեխնիկական ցուցանիշները, տեխնոլոգիական լուծումները: Նշեց, որ գլխամասային հատվածում՝ թողքի մոտ նախատեսվում է ձկնանցարանի տեղադրում՝ ձկների տեղաշարժը ապահովելու համար: Գործունեության ավարտից հետո տարածքը բարեկարգվելու է, կատարվելու է ծառատունկ:

Հաշվետվության մշակող «Նովալ» ՍՊԸ-ի ներկայացուցիչ Թ. Նուրիջանյանը նշեց, որ Հիդրոէներգետիկան համարվում է էկոլոգիապես մաքուր և միտված է օդային ավազան CO₂ ջերմոցային գազերի արտանետումների կրճատմանը: Ներկայացրեց նախատեսվող գործունեության իրականացման հետևանքով՝ շինարարության և շահագործման փուլերում, շրջակա միջավայրի բաղադրիչների՝ օդային ավազանի, հողային և ջրային ռեսուրսների, կենսաբազմազանության, ինչպես նաև թափոնների, մարդու առողջության հետ կապված հնարավոր ազդեցությունները, դրանց կանխմանն ու մեղմացմանն ուղղված բնապահպանական միջոցառումները: Մանրամասնեց ազդեցությունները հատկապես ջրային ռեսուրսների վրա, ինչպես նաև գետում առկա կենսաբազմազանության, հատկապես ձկնատեսակների պահպանման անհրաժեշտությունը, դրանց պահպանմանն ուղղված միջոցառումները: Նշեց, որ հաշվետվությունում կներառվեն նաև գործունեության այլընտրանքային տարբերակները, մոնիթորինգը, կարևորելով վերջինիս անհրաժեշտությունը ջրային ռեսուրսի թողքի և կենսաբազմազանության վերահսկման նպատակով:

«Ստեփանոս-1» ՍՊԸ-ի տնօրեն՝ Վալերի Հարությունյանը ներկայացրեց նախատեսվող գործունեության կարևորությունը Հայաստանի Հանրապետությունում էներգետիկ ռեսուրսների

ավելացման, ինչպես նաև համայնքում սոցիալ-տնտեսական ներդրումների համար: Նշեց, որ համայնքի հետ կստորագրվի հուշագիր, որտեղ կներառվեն Ձեռնարկողի կողմից համայնքի ներդրման ուղղությունները տարեկան կտրվածքով՝ համայնքում առկա խնդիրների լուծման նպատակով: Գործունեության իրականացման ընթացքում կներգրավվեն համայնքի բնակիչները, շահագործման փուլում մոտ՝ 15 մարդ: Նշեց, որ տարածքը, ներառյալ գետի հունի երկայնքը, բարեկարգվելու և ծառայատվելու է:

Համայնքի կողմից հարց բարձրացվեց Չքնաղ գետից վերցվող ջրաքանակի վերաբերյալ, նշելով, որ գետի ափի երկայնքով հանգստյան գոտի է և արդյոք ջրառի քանակը չի ազդելու վերջինիս գործունեության վրա՝ գետը չի վերածվի առվակի:

Վ. Հարությունյանը պատասխանեց, որ ջրառի թողքը նախատեսված է շրջակա միջավայրի նախարարության կողմից 1 տարվա համար նախնական թույլտվությամբ, որտեղ հաշվի է առնված այդ հանգամանքը և չի խանգարելու գետում ջրաքանակի նվազմանը:

Մանակիցները հարց բարձրացրեցին դերիվացիոն խողովակաշարի տրամագծի վերաբերյալ:

Դ. Պապիկյանը պատասխանեց, որ խողովակաշարն ունենալու է 1.6մ տրամագիծ, միաժամանակ հավելեց, որ գետից ջրառը կատարվելու է որոշակի ամիսներին:

Ուրասարի վարչական ղեկավար Գ. Մանուկյանը նշեց, որ ՓՀԷԿ-ի համար գետից ջրառը կատարվելու է Ուրասարի հատվածից, որտեղ կա Կարմրախայտ ձկնատեսակը: Անհանգստություն հայտնեց ձկնատեսակի տեղաշարժին չխանգարելու վերաբերյալ, քանի որ այդ թևի վրա կան այլ գործող ՀԷԿ-եր:

Վ. Հարությունյանը պատասխանեց, որ ջրառը հաշվարկված է ներառելով այդ խնդիրները, տեղադրվելու է ցանց՝ ձկնանցարան, որը հնարավորություն կտա ձկան տեղաշարժը: Բացի այդ ջրառը կատարվելու է որոշակի ամիսներին:

Այլ հարցադրումներ չեղան:

Ստեփանավան համայնքի աշխատակազմի
քարտուղար՝ Հ. Մովսիսյան



Ձեռնարկող - «Ստեփծոր-1» ՍՊԸ-ի
տնօրեն Վ. Հարությունյան

